

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Getxoko Kultur Etxea Tokiko Erakunde Autonomoa**

Kultura sormenerako dirulaguntzak emateko deialdia arautzen duten berariazko oinarriak.

1. Helburua

Oinarri hauen xedea da Getxoko udalerrian kultura sorkuntza sustatzeko dirulaguntzak emateko baldintzak arautzea. Dirulaguntza hauen xedea da artelanak (antzezlanak, bisualak eta plastikoak, ikus-entzunezkoak, musikalak, literatura testuak, koreografiak eta beste sormen diziplina batzuetakoak) egitera zuzendutako sorkuntza prozesu zehatzak garatu nahi dituzten getxotar guztiei laguntzea zein udalerrri honi lotutako mota honetako proiektuak garatzeko interesa duten pertsonen laguntzea ere.

2. Pertsona onuradunak

Laguntza hauek eska ditzakete 18 urtetik gorako pertsona fisikoek.

Adinaren baldintza frogatzeko kontuan izan beharreko data eskabideak aurkezteko epearen azken eguna izango da.

Gainera, hurrengo kapituluetan laguntza-modalitate bakoitzean ezartzen diren baldintzak bete beharko dira.

Agindu honetan aurreikusitako dirulaguntzak jaso ahal izateko, zerga-betebeharrak eta Gizarte Segurantzarekikoak egunean izan behar dira.

Agindu honetan aurreikusitako dirulaguntzak jasotzeko eskatzaileak ez du izan behar dirulaguntza edo laguntza publikoak eskuratzeko aukera ukatzen dion zigor administratibo edo penalik, ezta dirulaguntzak jasotzeko legezko debekurik ere, sexu-bereizkeriaren ondoriozkoak barne, Emakumeen eta Gizonen Berdintasunerako otsailaren 18ko 4/2005 Legearen azken xedapenetatik seigarrenaren arabera.

Deialdi honetako dirulaguntzak jasotzeko, onuradunek ezin izango dute izan Dirulaguntzei buruzko azaroaren 17ko 38/2003 Lege Orokorraren 13.2 eta 3 artikuluetan ezarritako beste debekurik.

Deialdi honen baitan, lerro guztiei dagokionez, eskatzaile berak ezin izango du lortu dirulaguntza bat baino gehiago.

Eskatzaileek bi laguntza-eskaera aurkez ditzakete gehienez Hala ere, bi diru-laguntza lerrotara aurkeztu ahal izango dira. Pertsona berak bi eskaera baino gehiago aurkeztu baditu, bakarrik onartuko dira sarrera-erregistroaren arabera aurkeztutako lehena eta bigarrena.

3. Diru-laguntza lerroak eta baliabide ekonomikoak

Diru-laguntzen deialdi honetarako gehieneko kreditu erabilgarria 120.000 €-koa izango da.

Diru-laguntza lerroak

- A) Sorkuntza eszenikoa: edozein motatako testu eszenikoen dramaturgia, dantza-koreografiaren diseinua, txotxongiloen lanak (testuak eta pertsonaiak sortzea).
12.000 euro, 4 proiekturi 3.000 euroko diru-laguntza emateko.
- B) Ikus-entzunezko lanak sortzea: ikus-entzunezko proiektu artistikoen gidoiak idaztea (publizitatekoak edo sustapenekoak ez direnak), edozein formatutarako, eta pieza artistikoak filmatzea eta editatzea.
9.000 euro, 3 proiekturi 3.000 euroko diru-laguntza emateko.
- C) Musika-konposizioak sortzea: partiturak idaztea, edozein motatako musika lanak sortzea, pieza artistikoak grabatzea eta editatzea.
21.000 euro, 7 proiekturi 3.000 euroko diru-laguntza emateko.



- D) Literatura-lanak eta ilustrazioa sortzea: eleberria, ipuina, poesia, narrazioa, komikia, haurrentzako obrak. Diseinu grafikoa ez da barne hartzen, eta obra guztiak liburu batean argitaratzeko modukoak izan behar dira.
24.000 euro, 8 proiekturi 3.000 euroko diru-laguntza emateko.
- E) Hezkuntzako proiektu kulturalak sortzea: umeei eta 16 urtetik beherako gazteei zuzendutako proiektuak, helburutzat dutenak ume zein gazteak sorkuntza artistikoko prozesura gerturatzea, betiere bitartekotza artistikoko prozesuak leheneztuz.
9.000 euro, 3 proiekturi 3.000 euroko diru-laguntza emateko.
- F) Obra bisualak eta plastikoak sortzea, honako diziplina hauek barne hartzen dituztenak: pintura, eskultura, argazkigintza, grabatua, forja, buzingintza, urregintza, grabatua, marrazketa, artisautza, oihalgintza eta instalazioak.
21.000 euro, 7 proiekturi 3.000 euroko diru-laguntza emateko.
- G) Beste sorkuntza diziplina batzuetako obrak sortzea: aurreko modalitateetako batean ere sartzen ez diren proiektuak, kultura sektorearen baitan garatzen direnak, ingurune digitalari, medio berriei eta arte digitalari lotutako proiektuak leheneztuz.
24.000 euro, 8 proiekturi 3.000 euroko diru-laguntza emateko.

Eskaerarik ez egoteagatik edo baldintzak ez betetzeagatik dirulaguntza lerro batean ezarritako zenbatekoa agortzen ez bada, soberako kopurua beste lerro batean dirulaguntzak emateko erabili ahal izango da, betiere osotasunerako ezarritako kreditua gainditzen ez bada. Kasu horretan, lehentasuna izango du eskatutako zenbatekoaren eta hasierako zuzkiduraren arteko desoreka handiena duen modalitateak.

Proiektuak bertsio originalean aurkeztu beharko dira, eta ezingo dira itzulpenak izan.

Bazter uzteko arrazoia izango da obra guztiz garatuta aurkeztea; hala, proposamenaren aurkezpena soilik onartuko da.

Eskatzaileak bakarka sortutako obrak izan behar dira.

4. Eskabideak aurkezteko epea

Eskabideak telematikoki, Getxoko Administrazio Elektronikoko Bulegoan www.getxo.eus webgunean, Getxoko Herritarren Arretarako Bulegoetan edo Getxoko Kultur Etxeko Bulegoan, Muxikebarrin, aurkeztu behar dira, halaber 39/2015 Legearen, Herri Administrazioen Araubide Juridikoari eta Administrazio Prozedura Erkideari buruzkoa, 16.4 artikuluan aurreikusitako lekuetan aurkeztu ahal dira.

Informazioa eta eskabideen ereduak eskuragarri egongo dira ere Udaleko web orrian (www.getxo.eus).

Eskabideak aurkezteko epea deialdia Bizkaiko Aldizkari Ofizialean argitaratu eta hurrengo egunetik hasiko da zenbatzen eta hilabeteko epean amaituko da. Bizkaiko Aldizkari Ofizialean argitarapena diru-laguntzen datu basearen biartez egingo da.

Eskaerak, derrigorrez oinarri hauen I. Eranskinetako eskabide arautua betez aurkeztu behar da.

Eskabideak aipatutako epetik kanpo aurkezten badira, eskabideak atzera botako dira; kasu horretan, izapidetu gabe artxibatuta geratuko lirakeke.

Eskabidea eta dokumentuak aurrez aurre aurkezteak edo bide elektronikoa erabiliteak ez du esan nahi nahitaez baliabide horiek erabili behar direnik prozeduraren ondorengo izapideetan, edozein unetan alda daitezke-eta.

Eskatzaileek Euskal Autonomia Erkidegoko zeinahi hizkuntza ofizialetan aurkeztu ahal izango dute eskabidea, atxikitako egiaztagiriekin batera. Halaber, eskabidearen ondoriozko jardunetan, eta prozedura osoan, eskatzaileak aukeratutako hizkuntza erabiliko da, Euskararen Erabilera Normalizatzeari buruzko Oinarrizko azaroaren 24ko 10/1982 Legearen 5.2.a) eta 6.1 artikuluetan ezarritakoaren arabera.



Eskabideak aurkezteak esan nahi du berariaz eta formalki onartu direla deialdi honen oinarrietan zehaztutako baldintzak

5. Eskabidearekin batera aurkeztu behar den dokumentazioa

Diru-laguntza jaso ahal izateko, honako agiri hauek aurkeztu beharko dira:

5.1. Eskatzaileari buruzko dokumentazioa

- a) I. eranskina: eskabidea
- b) II. eranskina: artista eskatzailearen ibilbidea.
- c) Eskatzailearen NANaren fotokopia.
- d) Eskatzaileak deialdi honetan garatu beharreko kultura-diziplinari dagokionez ikastetxe ofizial eta publikoek emandako ikasketa-tituluak aurkeztu beharko dira.

Ofizios eskatuko da Bizkaiko Lurralde Historikoko Foru Ogasunarekiko betebeharrak egunean dituela egiaztatzen duen ziurtagiria, salbu eta interesdunak berariazko aurkakotasuna adierazten badu (I. eranskinean) eta, kasu horretan, ziurtagiria aurkezten badu.

Ofizios eskatuko zaio Gizarte Segurantzari erakunde horrekin egunean egotearen ziurtagiria, salbu eta interesdunak esanbidezko aurkakotasuna adierazten badu (I. eranskinean) eta, kasu horretan, ziurtagiria aurkezten badu.

5.2. Proiektuari buruzko dokumentazioa

Proiektuak Euskal Autonomia Erkidegoko bi hizkuntza ofizialetako edozeinetan aurkeztu ahal izango dira.

Proiektuari buruzko dokumentazio guztia artxibo elektroniko batean aurkeztuko da. Eskabidea aurrez aurre aurkezten bada, artxiboak CD, DVD edo pendrive batean grabatuko dira. Aurkezpen elektronikoaren kasuan, artxiboek bateragarriak izan beharko dute erregistro elektronikoaren plataformarekin. Bideoak eta audioak webgunearen bidez ere aurkeztu ahal izango dira. Aurkeztutako dokumentazio elektroniko guztiaren gehieneko tamaina 50 Mb-koa izango da. Fitxategi grafikoen, soinudunen eta ikus-entzunezkoen formatuak JPEG, AVI, MOV, MPEG edo FLV izango dira.

- a) III. eranskina: proposamenaren laburpen-fitxa. Bertan, atal bat jaso beharko da, eskatzaileak eta proiektuak Getxorekin duten lotura azaltzeko.
- b) IV. eranskina: modalitate bakoitzari dagokion azalpen-memoria. Horren edukian, diru-laguntzaren lerro bakoitzerako deskribatutako dokumentazio hau sartu beharko da.

A) Sorkuntza eszenikoa

Azalpen memoria, proiektua aurkezteko, edukiaren argumentuaren sinopsia zehazteko, eta aurreikusitako luzera, daukan interesa eta eszenaratzeko aukerak jakinarazteko.

- Antzezlanen kasuan: Antzezlanaren testuaren lehenengo 10 orrialdeen lagina.
- Txotxongilo emanaldien kasuan: Emanaldiaren testuaren lehenengo 10 orrialdeen lagina, pertsonaien deskribapena eta eszenografia.
- Dantza koreografiaren kasuan: Helburuak eta garapen plana; edukiak eta beka ematekotan amaierako justifikaziorako aurreikusitako elementuen formatua eta metodologia. Horien artean, gutxienez, honako hauek egon behar dira:
 - a) Garatutako prozesuaren amaierako memoria-txostena.
 - b) Aurkezpena edo bestelako jarduera irekiren bat lotutako eremu profesionaletan. Jarduera hori onuradunak berak antolatu eta zabaldu beharko du, eta Euskadin egin beharko da.

B) Ikus-entzunezko lanak sortzea

- Gidoiaren lehenengo 10 orriak edo 1 eta 3 minutu bitarteko ikus-entzunezko piezan datzan lagin bat.



- Azalpen memoria, proiektuaren aurkezpenarekin, edukiaren argudioaren sinopsia-
ren zehaztasunekin, aurreikusitako luzerarekin, daukan interesarekin eta zabaldu
eta erakusteko dituen aukerekin.
- C) Musika konposizioen sorkuntza
 - 1 eta 3 minutu bitarteko audioa izango den piezaren lagin bat.
 - Azalpen memoria, proiektuaren aurkezpenarekin, planteamendu tekniko eta ar-
tistikoaren zehaztasunekin, aurreikusitako luzerarekin, daukan interesarekin eta
zabaldu eta erakusteko dituen aukerekin.
- D) Literatura eta ilustrazio obren sorkuntza
 - Literatura testu edo komikiaren lehenengo 10 orrialdeetan datzan lagina; ilustra-
zioen kasuan, 5 orrialdekoa.
 - Azalpen memoria, proiektuaren aurkezpenarekin, edukiaren argudioaren sinopsia-
ren zehaztasunekin, aurreikusitako luzerarekin, daukan interesarekin eta argitara-
tzeko dituen aukerekin.
- E) Hezkuntzako proiektu kulturalak sortzea
 - Azalpen memoria, proiektua, helburuak, parte-hartzaileak (cv), publiko objektiboa,
kronograma, espazioa eta esperotako emaitzak aurkezteko, bai eta dauzkan in-
teresa eta jarraitzeko aukerak ere, eta baloratu ahal izateko garrantzitsua izan
daitekeen informazio oro.
- F) Artelan bisual eta plastikoen sorkuntza
 - Proiektuaren azalpen-memoria, non pieza, obra edo artefaktuaren edo egingo di-
ren guztien deskribapena, oinarriak, kontzeptualizazioa, helburuak, justifikazioa,
materialak, metodologia etaproiectuaren interesa eta irismenaren aurreikuspena
zehaztuko dituen, bai eta baloraziorako garrantzitsua den informazio oro ere.
- G) Beste sormen diziplina batzuetako obren sorkuntza
 - Proiektua ordezkatzeko duen lagina, idatziz edo ikus-entzunezko formatuan, nahi-
koa izango dena kalitatea eta egikera baloratu ahal izateko.
 - Azalpen memoria, proiektua, helburuak, parte-hartzaileak (cv), xede-hartzaileak,
kronograma, espazioa eta esperotako emaitzak aurkezteko, bai eta dauzkan in-
teresa eta jarraitzeko aukerak ere, eta baloraziorako garrantzitsua izan daitekeen
informazio oro.

Ez dira kontuan hartuko epe mugatik kanpoko eskariak ezta aurretik Getxoko Uda-
letik edota bere Erakundeetatik jasotako diru-laguntzen justifikazioaren ziurtagiririk aur-
keztu gabe duten pertsonen egindako eskabideak.

7. Eskabideak ostugabeak edo akastunak

Aurkeztu den eskabidea edo eskabidearekin batera aurkeztutako dokumentazioa
osatugabeak badira edo zuzen daitekeen akatsik badute, 10 lan eguneko epea utziko
zaio eskatzaileari dokumentazioa osatzeko edo zuzentzeko; epe hori zuzenketa egin
behar denaren jakinarazpena egin eta biharamunetik hasiko da. Akatsak zuzendu ezean
edo dokumentazioa osatu ezean, eskabideari uko egiten diola ulertuko da.

8. Norgehiagoka

Deialdi honetako diru-laguntzak norgehiagokaren erregimenari jarraituz esleituko
dira, alegia, aurkeztutako eskabideak balioztatu egingo dira eta, ondoren, lehentasuna
erabakiko da, diru-laguntza lerro bakoitzeko; horretarako deialdi honetako balorazio-iriz-
pideei jarraituko zaiolarik.

Edonola ere, dirulaguntza ematea ebazpena ematen den unean kreditu egokia eta
nahikoa egoteari baldintzatuta geratuko da.

**9. Balorazioa egiteko irizpideak**

Balorazio batzordeak honako irizpide hauek aplikatuko ditu. Hiru balorazio fase egongo dira.

1. Lehenengo fasea. —Udalerriarekiko lotura

- a) eskatzaileak eta proiektuak Getxoko udalerriarekin duten lotura: faseko guztizko puntuazioa: 30 puntu.

Guztizko puntuazioaren 10 puntu lortzen ez dituzten eskaerak deialditik kanpora geratuko dira.

2. Bigarren fasea. —Proiektuaren balorazioa

- a) Aurkeztutako proiektuaren kalitatea. Guztizko puntuazioa: 25 puntu.
b) Aurkeztutako proiektuaren interesa; proposatutako gaiaren originaltasuna edo gaiari heltzeko modua baloratuko dira nagusiki. Guztizko puntuazioa, 15 puntu.
c) Zenbateko aukera daukan proiektuak jarraipena izateko, bai proiektuaren ezauzgarriengatik zein bere interés eta irismenagatik. Guztizko puntuazioa, 15 puntu.
d) Euskararen presentzia, erabilera eta kontzeptualizazioa: Guztizko puntuazioa, 5 puntu.
e) Genero-ikuspegiaren txertaketa. Guztizko puntuazioa, 5 puntu.

Gutxienez 25 puntu eskuratzen ez dituzten eskaerak kanporatuak izango dira.

3. Hirugarren fasea. —Eskatzailearen ibilbide artistiko eta profesionala

Guztizko puntuazioa: 20 puntu.

10. Izapidetzea eta ebazpena

Oinarri espezifiko hauetan jasotako laguntzak emateko organo instruktorea Kultur Etxeko administrazio unitatea izango da.

Elkargokidea den organoak, emateko proposamena egingo dio diru-laguntza eman-
go duen organoari; hau da, Presidenteari.

Organo Kolegiatua, bakarra diru-laguntza lerro guztietarako, honako izango da:

Lehendakaria

Kultur Etxeko Zuzendaria.

Kideak

Sorkuntzaren eta kulturaren sektoreko adituen artean Kultur Etxeko presidenteari izendatutako hiru pertsona.

Idazkaria

Kultur Etxeko teknikari bat.

Getxoko Kultur Etxeko teknikariek epaimahaia lagundu dezakete, bere Presidenteak horrela erabakitzen badu.

Presidenteak ebazpena emango du Balorazio Batzordeko kideak eta horien ordezkariak izendatzeko eta Balorazio Batzorde horren osaketa Getxoko webgunean argitaratzeko agintzeko. Argitalpena eraketa baino lehenago egingo da, edozein interesdunek aukera izan dezan errekusatzeko eskubideaz baliatzeko legalki ezarritako kasu eta terminoetan.

Balorazio-batzordeak eratzekoan, Emakumeen eta Gizonen berdintasunerako otsailaren 18ko 4/2005 Legearen 3.7 artikuluan ezarritakoa beteko da.

Batzordeak, prozedura bakoitzean eta ezarritako esleipen-irizpideetan oinarrituta, Kultur Etxeko Presidenteari aurkeztuko dio dagokion ebazpen-proposamena. Proposamen horretan agertuko dira eman nahi diren dirulaguntzak, onuradunen identitatea, balorazio fasean lortutako puntuazioa eta egin behar den jarduketara, bai eta ukatuko diren



dirulaguntzak eta horretarako emandako arrazoiak ere. Era berean, zein eskaera ez diren onartu adieraziko da.

Balorazio-batzordeak, beharrezko ikusten dutenean eta aurkeztutako eskabideak egoki ebaluatze aldera, behar adina azalpen eskatu ahal izango dizkiete eskatzaileei.

Epaimahaiko kideetako bakoitzarentzat 900 euroko dieta finkatu da. Horren ordaintari dagokion deskontua egingo zaio, PFEZaren atxikipen gisa, indarrean dagoen araudia betetze aldera.

Hiru hilabete utziko dira, gehienez, ebazpena emateko, eskabideak aurkezteko ezarritako epea amaitzen denetik hasita. Epea amaitu ondoren, diru-laguntzaren eskabidea ezetsi egingo da, berariazko ebazpena eman ezean, Administrazio Publikoen Araubide Juridikoari eta Administrazioa Prozedura Erkideari buruzko urriaren 1ekoa 39/2015 Legearen 25.1 artikuluan ezarritakoak ondorioak izan ditzen.

Ematen den ebazpenak administrazio-bidea agortzen du eta horren aurka administrazioarekiko auzi-errekurtsoa aurkeztu ahal izango da, administrazio-bidea agortu denaren jakinarazpena jasotzen denetik bi hilabeteko epean. Hala ere administrazioarekiko auzi-errekurtsoa jarri aurretik, hilabete bateko epean aukerako berraztertze errekurtsoa jar daiteke ebazpena eman duen organoaren aurrean.

Diru-laguntzen ebazpena/k Getxoko udaleko webgunean eta diru laguntzen base datuan argitaratuko dira

Deialdi honetan araututako laguntzak pertsona onuradunei emateko eta, hala badagokio, ordaintzeko baldintza izango da, Getxoko Kultur Etxeko ematen dituen izaera bereko laguntzen edo diru-laguntzen esparruan horiek itzultzeko edo zehatzeko edozein prozedura izapidetzen ari bada oraindik, izapidetzeak amaituta egotea.

Diru-laguntza jaso ahal izateko Getxoko Udaleko zerga guztiak ordainduta izan behar dira. Halaber, ezin da bestelako betebeharrak ekonomikorik bete gabe izan. Ardura hori ofizioz egingo da.

11. Diru-laguntzaren zenbatekoa eta ordaintzeko modua

Deialdi honetako diru-laguntzak bateragarriak izango dira bestelako erakunde publiko zein pribatuk xede berdinarekin emandako beste edozein diru-laguntzekin, Kultur Etxeak emandako beste sari edo laguntzak izan ezik.

Dirulaguntzaren zenbatekoari dagokionez, 3.000 euro emango dira proiektu bakoitzeko, harik eta dirulaguntza ildo bakoitzerako aurreikusitako kreditua agortu arte, 3. puntuari xedatzen den moduan.

Diru-laguntza alde aurretik ordainduko da, onuradunak egin behar duen justifikazioa baino lehen, diru-laguntza ezinbestekoa kontsideratzen delako jarduera garatzeko.

Honela egikarrituko da:

- a) Adjudikazio ebazpena eman eta dirulaguntza onartutakoan edo uko egiteko epea igaro ostean diruz lagunduen %80.
- b) Gainerako %20 2021eko diruz lagundutako sorkuntzaren erremisioaren ostean eta Jabetza Intelektualaren Erregistroan inskribatu ostean ordainduko da. Koreografiaren modalitateko laguntzen kasuan, Kultur Etxeak presentzialki egiaztatuko du sorkuntza benetan egin dela.

12. Erakunde onadunaren betebeharrak

Agindu honetan ezarritakoaren arabera araututako dirulaguntzak jasotzen dituzten pertsonak honako betebeharrak hauek izango dituzte:

- a) Esleitutako dirulaguntza onartzea. Alde horretatik, onuradunek dirulaguntza eman zaiela adierazten duen jakinarazpena jaso eta hamabost eguneko epean berariaz uko egiten ez badiote, onartu egin dutela ulertuko da.
- b) Dirulaguntza eman den xede jakinerako erabiltzea.
- c) Getxoko Kultur Etxeari edo udaletxeari dirulaguntzen fiskalizazio-lanetarako behar duten informazio guztia ematea.



- d) Garatutako proiektuan aipatzea Getxoko Kultur Etxeak emandako dirulaguntza.
- e) Aurkeztutako proiektuaren edozein aldaketa, funtsezkoa ezin daitekeena izan, idatziz jakinarazi beharko zaio Kultur Etxeari, onuradunak esleipen-ebazpena jaso eta, gehienez ere, hilabete bateko epean. Komunikazio hori jaso ondoren, Kultur Etxeak hamabost lanegun izango ditu erantzuteko. Epe hori amaitutakoan, ez baldin badu horri buruzko ezer adierazi, horrek esan nahiko du zuzendaritzak ontzat hartu duela aldaketa, betiere dirulaguntzen arauak onuraduna izateko gutxieneko baldintzak betetzen baldin badira.

Gainera, onuradunek Dirulaguntzei buruzko azaroaren 17ko 38/2003 Lege Orokorraren 14. artikuluan ezarritako baldintzak bete beharko dituzte eta Diru-laguntzak ematea arautzen duen Udal Ordenantza.

13. Diru-laguntzaren justifikazioa

Adjudikazioaren ebazpena jaso eta hurrengo egunetik aurrera, onuradunak gehienez ere bederatzita hilabete izango ditu behin betiko sorkuntza Kultur Etxeari aurkezteko.

Telesailen gidioen kasuan, epe horren baitan aurkeztu beharko dira kapitulu pilotuaren gidoa eta hurrengo kapituluaren sinopsi laburra.

Koreografia sorkuntzaren modalitatean, epe horren barruan aurkeztu beharko dira azken justifikaziorako proiektuan zehaztutako dokumentuak.

Kultur Etxeak eskumena du erakunde onuradunaren finantza-egoera egiaztatzeko beharrezko irizitako jarduera guztiak egikaritzeko, barneko nahiz kanpoko auditoriak barne.

14. Diru-laguntza itzultzea

Jarraian adierazitako kasuak gertatzean, jasotako diru-laguntza Udalaren Diru-kutxara itzuliko da, diru-zaintza ordaintzen denetik berau itzultzeko erabakia hartzen den egunera arte sortutako berandutzazko interesak barne:

- Emandako zenbatekoa berau eskatu zen helburu zehatzera ez bideratzea.
- Diru-laguntza eskuratu izana, horretarako beharrezkoaK diren baldintzak bete gabe.
- Deialdi honetan eta aipatutako Udal Ordenantzaren adierazitakoa betez, hartutako betebeharrak urratzea, onuradunari egotzi ahal zaizkion arrazoiengatik.
- 38/2003 Lege Orokorra, azaroaren 17koa, Diru-laguntzei buruzkoa, bere 37. Artikuluan jasotakoak

Itzuli beharreko zenbatekoa zehazteko, osorik edo zati batean, proportzionaltasunaren edo egitatearen printzipioari jarraituko zaio eta, horretarako, kasu bakoitzaren ezauzgarriak hartu dira kontuan.

Diru-laguntza itzultzeko ebazpena diru-laguntza emateko ebazpena eman zuen organo berak eman beharko du.

Dirua itzultzeko espedienteak 39/2015 Legearen, urriaren 1ekoa eta Administrazio Publikoaren Araubide Juridikoari eta Administrazio Prozedura Erkideari buruzkoa, IV. Tituluan ezarritako arauak beteko ditu, eta, 15 eguneko epean interesdunari entzunaldi-izapidea emango zaio.

Halaber, ondorengoak kontuan izango dira: uztailaren 21eko 887/2006 Errege Dekretuko III. eta IV. Tituluetan ezarritakoa, diru-laguntzen gaineko azaroaren 17ko 38/2003 Lege Orokorreko Erregelemandua onartzen duena, eta Diru-laguntzen gaineko 38/2003 Lege Orokorreko II. Titulua, azaroren 17koa.

15. Datu babesa

Zure datuak «Dirulaguntzak» tratamenduan sartzen dira; horren arduraduna Getxoko Kultur Etxea da eta helburua du Kultur Etxeak onartutako diru-laguntzak kudeatzea. Tratamenduaren oinarri juridikoa interesdunaren adostasuna eta diru-laguntza bat esleitzea da. Datuak arduradunarekin zuzenean lotura duten erakundeei eman ahal izan-



go zaizkie. Titularrak eskubidea du datuak eskuratzeko eta zuzentzeko, ezabatzeko eta transferitzeko, baita bere datuen trataera mugatzeko edo ukatzeko ere, Udalaren posta helbidera edo datuak@getxo.eus (datuak babesteko ordezkaria) helbidera idatzizko jakinarazpen bat bidaliz, bere nortasuna egiaztatzen duen agiri bat sartuta, edo Udalaren egoitza elektronikoan horretarako eskuragarri dagoen kudeaketa elektronikoa hasiz. Informazio gehiagorako: www.getxo.eus/datuak

16. Zehapen-araubidea

Zehapen eta arau-hausteen araubidea 38/2003 Legearen, azaroaren 17koa eta diru-laguntzei buruzkoa, IV. Tituluan eta 2/1998 Legean, otsailaren 20koa eta Administrazio Publikoaren Zehapen Ahalmenari buruzkoa, ezarritakoa izango da.

I. ERANSKINA

Getxoko Udaletxeko webgunean publikatua.

Getxon, 2021eko irailaren 1ean.—Getxoko Kultur Etxeko Presidentea, Irantzu Uriarte Gómez